

CINNEADH CUR CHUN FEIDHME (AE) 2023/1811 ÓN gCOIMISIÚN**an 20 Meán Fómhair 2023**

lena leasaítear Cinneadh Cur Chun Feidhme (AE) 2020/1550 trí clár rialuithe an Choimisiúin le haghaidh 2024 sna Ballstáit a bhunú chun cur i bhfeidhm reachtaíocht an Aontais maidir leis an slabhra agraibhia a fhíorú

TÁ AN COIMISIÚN EORPACH,

Ag féachaint don Chonradh ar Fheidhmiú an Aontais Eorpaigh,

Ag féachaint do Rialachán (AE) 2017/625 ó Pharlaimint na hEorpa agus ón gComhairle an 15 Márta 2017 maidir le rialuithe oifigiúla agus gníomhaíochtaí oifigiúla eile arna ndéanamh lena áirithiú go gcuirtear i bhfeidhm dlí an bhia agus na beatha, rialacha maidir le sláinte agus leas ainmhithe, sláinte plandaí agus táirgí cosanta plandaí, lena leasaítear Rialachán (CE) Uimh. 999/2001, (CE) Uimh. 396/2005, (CE) Uimh. 1069/2009, (CE) Uimh. 1107/2009, (AE) Uimh. 1151/2012, (AE) Uimh. 652/2014, (AE) 2016/429 agus (AE) 2016/2031 ó Pharlaimint na hEorpa agus ón gComhairle, Rialachán (CE) Uimh. 1/2005 agus Rialachán (CE) Uimh. 1099/2009 ón gComhairle agus Treoracha 98/58/CE, 1999/74/CE, 2007/43/CE, 2008/119/CE agus 2008/120/CE ón gComhairle agus lena n-aisghairtear Rialachán (CE) Uimh. 854/2004 ó Pharlaimint na hEorpa agus ón gComhairle, agus Rialachán (CE) Uimh. 882/2004 ó Pharlaimint na hEorpa agus ón gComhairle, Treoracha 89/608/CEE, 89/662/CEE, 90/425/CEE, 91/496/CEE, 96/23/CE, 96/93/CE agus 97/78/CE agus Cinneadh 92/438/CEE ón gComhairle (Rialachán maidir le Rialuithe Oifigiúla) ⁽¹⁾, agus go háirithe Airteagal 118(1), pointe (b), de,

De bharr an mhéid seo a leanas:

- (1) Is ar na Ballstáit atá an fhreagracht reachtaíocht an Aontais maidir leis an slabhra agraibhia a fhorfheidhmiú, agus déanann a n-údarás inniúla, trí na rialuithe oifigiúla a eagrú, faireachán go gcomhlíontar agus go bhforfheidhmítear ceanglais ábhartha an Aontais go héifeachtach agus déanann siad an méid sin a fhíorú. I gcomhthráth leis an bhfaireachán agus leis an bhfíorú sin, ceanglaítear le hAirteagal 116 de Rialachán (AE) 2017/625 ar shaineolaithe ón gCoimisiún rialuithe a dhéanamh, lena n-áirítear iniúchtaí, sna Ballstáit chun cur i bhfeidhm reachtaíocht an Aontais a fhíorú. Ba cheart rialuithe sin an Choimisiún a dhéanamh i réimsí na sábháilteachta bia agus beatha ainmhithe, sláinte agus leas ainmhithe, sláinte plandaí, táirgí cosanta plandaí, agus feidhmiú na gcóras rialaithe náisiúnta agus na n-údarás inniúil a oibríonn iad, agus sineirgí le socruithe rialaithe faoin gcomhbheartas talmhaíochta á gcur san áireamh.
- (2) Le Caibidlí 1 go 10 den Iarscríbhinn a ghabhann le Cinneadh Cur Chun Feidhme (AE) 2020/1550 ón gCoimisiún ⁽²⁾, bunaíodh clár ilbhliantúil rialuithe atá le déanamh ag saineolaithe an Choimisiúin sna Ballstáit chun cur i bhfeidhm reachtaíocht an Aontais maidir leis an slabhra agraibhia a fhíorú le haghaidh na tréimhse 2021-2025, ailínithe le téarma oifige an Choimisiúin agus i gcomhréir lena thosaíochtaí.
- (3) I gcomhréir le hAirteagal 118(1), pointe (b), de Rialachán (AE) 2017/625, tá Caibidil 11 den Iarscríbhinn a ghabhann le Cinneadh Cur Chun Feidhme (AE) 2020/1550 lena leagtar amach clár rialuithe an Choimisiúin don bhliain dár gcionn le cur in iúl do na Ballstáit faoi dheireadh gach bliana. Ba cheart Caibidil 11 a thabhairt cothrom le dáta chun clár rialuithe an Choimisiúin atá beartaithe le haghaidh 2024 a léiriú.
- (4) Dá bhrí sin, ba cheart Cinneadh Cur Chun Feidhme (AE) 2020/1550 a leasú dá réir.
- (5) Ós rud é go mbaineann an leasú seo leis an gclár bliantúil rialuithe le haghaidh 2024, rud a mbeidh feidhm aige ón 1 Eanáir 2024 ar aghaidh, ba cheart dáta chur i bhfeidhm an Chinnidh seo a chur siar chun go mbeidh sé i gcomhthráth leis an dáta sin,

⁽¹⁾ IO L 95, 7.4.2017, lch. 1.

⁽²⁾ Cinneadh Cur Chun Feidhme (AE) 2020/1550 ón gCoimisiún an 23 Deireadh Fómhair 2020 lena mbunaítear an clár ilbhliantúil rialuithe don tréimhse 2021-2025 atá le cur i gcrích ag saineolaithe an Choimisiúin sna Ballstáit chun cur i bhfeidhm reachtaíocht slabhra agraibhia an Aontais a fhíorú (IO L 354, 26.10.2020, lch. 9).

TAR ÉIS AN CINNEADH SEO A GHLACADH:

Airteagal 1

Leasaítear an Iarscríbhinn a ghabhann le Cinneadh Cur Chun Feidhme (AE) 2020/1550 i gcomhréir leis an Iarscríbhinn a ghabhann leis an gCinneadh seo.

Airteagal 2

Tiocfaidh an Cinneadh seo i bhfeidhm an fichiú lá tar éis lá a fhoilsithe in *Iris Oifigiúil an Aontais Eorpaigh*.

Beidh feidhm aige ón 1 Eanáir 2024.

Arna dhéanamh sa Bhruiséil, an 20 Meán Fómhair 2023.

Thar ceann an Choimisiúin

An tUachtarán

Ursula VON DER LEYEN

IARSCRÍBHINN

Leasaítear an Iarscríbhinn a ghabhann le Cinneadh Cur Chun Feidhme (AE) 2020/1550 mar a leanas:

(1) Sa séú mír, cuirtear an méid seo a leanas in ionad an dara habairt:

‘Leagtar amach i gCaibidil 11 clár na rialuithe le haghaidh 2024.’.

(2) Cuirtear an méid seo a leanas in ionad Chaibidil 11:

‘11. Clár na rialuithe le haghaidh 2024

Réimse	Réimse Tosaíochta	Fócas in 2024
Bia agus an tsábháilteacht bia	Bia de bhunadh ainmhíoch	Sábháilteacht fheoil na mamach agus na n-éan agus táirgí ar den fheoil siad iad Sábháilteacht bainne agus táirgí bainne Sábháilteacht táirgí iascaigh
	Bia nach de bhunadh ainmhíoch é	Sábháilteacht mhicribhitheolaíoch
	Iarmhair in ainmhithe beo agus i mbia de bhunadh ainmhíoch	Sábháilteacht cheimiceach — iarmhair
Beatha & sábháilteacht beatha	Sábháilteacht Beatha	Sláinteachas ginearálta beatha (beatha íocleasaithe san áireamh)
		Seachtháirgí ainmhithe agus táirgí díorthaithe
Sláinte ainmhithe	Galair de chatagóir A faoi Rialachán (AE) 2016/429	Fiabhras Afracach na muc Fliú éanúil ardphataigineach Bolgach caorach agus bolgach gabhar
	Galair de chatagóirí B agus C faoi Rialachán (AE) 2016/429	Galair éisc Córas faireacháin le haghaidh galair de chatagóirí B agus C
	Ullmhacht & cosc	An phleanáil theagmhasach a cumhdaíodh le linn na n-íniúchtaí maidir le fiabhras Afracach na muc agus an fliú éanúil ardphataigineach
Leas ainmhithe	Ar an bhfeirm	Turcaithe Éisc (lena n-áirítear marú agus iompar)
Sláinte plandaí	Ráigeanna de lotnaidí plandaí	Ráigeanna de lotnaidí ar bagairt shuntasach iad
	Gluaiseacht plandaí, táirgí plandaí agus réad eile laistigh den Aontas	Pasanna plandaí
	Ullmhacht agus cosc	Cláir um shuirbhéanna maidir le sláinte plandaí
PPAnna & SUDanna	Táirgí cosanta plandaí (PPP)	Sábháilteacht cheimiceach (údarú, margaíocht agus úsáid lotnaidicídí, lotnaidicídí neamhdhleathacha, iarmhair lotnaidicídí)

Réimse	Réimse Tosaíochta	Fócas in 2024
Cáilocht Bhia	Feirmeoireacht Orgánach	Feirmeoireacht Orgánach
Ainmhithe agus earraí ó thríú tíortha a theacht isteach san Aontas	Rialuithe oifigiúla ar ainmhithe agus ar earraí	Ainmhithe agus earraí
Frithsheasmhacht in aghaidh Frithmhiocróbach	Faireachán a dhéanamh ar fhrithsheasmhacht in aghaidh frithmhiocróbach i mbaictéir zónóiseacha agus i mbaictéir chomhthíosacha	Frithsheasmhacht in aghaidh frithmhiocróbach i mbaictéir zónóiseacha agus i mbaictéir chomhthíosacha
Gnéithe ginearálta laistigh den slabhra agraibhia	Obair leantach ar mholtaí iniúchóireachta	Obair leantach ghinearálta agus earnálach ar mholtaí iniúchóireachta
	Orgánaigh ghéinmhodhnaithe (OGManna)	Orgánaigh ghéinmhodhnaithe
	Aon staid éigeandála, aon fhadhb a thiocfaidh chun cinn agus aon fhorbairt nua	Aon staid éigeandála, aon fhadhb a thiocfaidh chun cinn agus aon fhorbairt nua’.